

# STATUT

I SHOQËRISE ME PËRGJEGJËSI TË  
KUFIZUAR

***"ALBANIA TREATMENT COMPANY" Shpk***



**Ne kete statut :**

"Ligj " - eshte ligji Nr. 9901 date 14.04.2008 " Per Tregtaret dhe shoqerite Tregtare , i ndryshuar

"Statut "- eshte Statuti i shoqerise ALBANIA TREATMENT COMPANY shpk

**Kreu I**

**Themelimi , Emri , Objekti , Kohezgjatja, Selia**

**Neni 1 - Data e Themelimit , Emri dhe Themeluesit**

1.1 Sot me date 04.03.2019 ne themeluesit kemi krijuar nje shoqeri me perjegjesi te kufizuar me emrin ALBANIA TREATMENT COMPANY shpk

**1.2 Themeluesit e shoqerise jane :**

- **Kastrati" sh.a,** regjistruar prane Qendres Kombetare te Regjistrimit me NIPT K21711502V, me seli ne adresen "Lagjia 14", Ura e Dajlanit, Durrës."
- **"Salillari" sh.p.k** regjistruar prane Qendres Kombetare te Regjistrimit me NIPT J62903125G, me seli ne adresen Rruga "Vore Marikaj", KM 1, Vore, Tirane;

**Neni 2 - Objekti**

2.1 Objekti i veprimitarisë së Shoqërisë është si vijon:

*Ndertimi ,operim , i stacionit te transferimit te perkoheshem te mbetjeve te rrezikshme dhe mbetjeve jo te rrezikshme. Ndertimi i impjantit te perpunimit te mbetjeve te rrezikshme dhe mbetjeve jo te rrezikshme.Trajtim i mbetjeve te rrezikshme dhe mbetjeve jo te rrezikshme , asgjesimi perfundimtar i tyre.*

2.2 Shoqëria do të realizojë, direkt apo indirekt, çdo lloj aktiviteti lidhur me, si rezultat i, apo që ka lidhje me objektin e saj.

**Neni 3 - Kohëzgjatja**

3.1 Kohëzgjatja e aktivitetit të Shoqërisë është e **pa kufizuar**.

**Neni 4 - Selia**

4.1 Selia zyrtare e Shoqërisë ndodhet në: Rruga "Vore Marikaj", KM 1, Vore, Tirane



4.2 Asambleja e përgjithshme mund të vendosë të transferojë selinë e Shoqërisë në një vend tjetër, apo mund të vendosë hapjen e degëve dhe përfaqësive të Shoqërisë kudo, brënda apo jashtë Republikës së Shqipërisë.

4.3 Adresa e Shoqerise per qellim te komunikimeve elektronike eshte: [infoate24@gmail.com](mailto:infoate24@gmail.com)

**KREU II  
Kapitali**

**Neni 5  
Kapitali themeltar**

5.1 Kapitali themeltar i shoqerise **eshte 100,000 lek**. Pjesemarrja e themeluesve ne kapitalin e shoqerise eshte ne perputhje me kontributet e tyre te me poshteme:

- Ortaku themelues "Salillari" sh.p.k zoteron nje kuote me vleren 50.000 Lek e cila perben **50% te kapitalit themeltar te shoqerise**
- Ortaku themelues "Kastrati" sh.a zoteron nje kuote me vleren 50.000 Lek e cila perben **50% te kapitalit themeltar te shoqerise**.

5.2 Kontributi i ortakeve eshte ne para.

5.3 Ortaket jane perjegjes kundrejt paleve te treta per humbjet qe peson Shoqeria, deri ne shumen e kontributit te tyre ne kapitalin themeltar te shoqerise.

5.4 Çdo kuote i jep zoteruesit te drejten e nje vote ne vleren e kuotes.


5.5 Kapitali themeltar mund te zmadhohet ose te zvogelohet me vendim te Asamblese se Pergjithshme te Ortakeve, ne perputhje me dispozitat ligjore.

**Neni 6 -  
Zmadhimi dhe zvogelimi i kapitalit**

6.2 Kapitali themeltar mund te zmadhohet nepermjet nenshkrimeve te pjeseve te kapitalit themeltar dhe / ose çdo forme tjeter te parashikuar nga ligji.

6.2 Zvogelimi i kapitalit lejohet nga asambleja e ortakeve, e cila merr vendim ne te njejtat kushte qe kerkohen per ndryshimin e statutit.

6.3 Ne te gjithe rastet, zvogelimi i prek ortaket ne te njeften mase ndaj pjeseve te kapitalit qe perfaqesojne.



## Neni 7 - Transferimi i kuotave

7.1 Kuotat e kapitalit te shoqerise dhe te drejtat qe rrjedhin prej tyre, mund te fitohen apo kalohen nepermjet:

- a) kontributit ne kapitalin e shoqerise;
- b) shitblerjes;
- c) trashegimise;
- d) dhurimit;
- e) çdo menyre tjeter te parashikuar me ligj.

7.2 Pjeset e kapitalit themeltar jane lirisht te transferueshme ndermjet ortakeve pa kerkuar me pare miratimin e ortakeve te tjere. E vtmja procedure qe mund te zgjedhin te ndjekin ortaket, ne rastin e transferimit te kapitalit ndermjet ortakeve, eshte nenshkrimi i kontrates notoriale perkatese (shitblerjes, dhurimit etj.).

7.3 Perveç sa parashikohet ne piken 7.2, transferimi i kuotave ne persona te trete te ndryshem nga Ortaket, venia peng, barre apo çdo mjet tjeter sigurimi mbi kuotat, do te kerkaje, ne menyre qe te prodroje efekt, miratimin paraprak te Asamblese se Pergjithshme te Ortakeve, e cila vendos me shumice te thjeshte.

7.4 Ne rastin kur nje Ortak ka per qellim te transferoje te gjithe apo nje pjese te kuotave te tij ne persona te trete te ndryshem nga Ortaket, ai, perpara se te nenshkruaje marreveshje me persona te trete, detyrohet te njoftoje me shkrim Administratorin per transferimin e planifikuar, duke percaktuar edhe çmimin e transferimit, personin/at te cileve planifikon t'u transferoje kuotat dhe kushtet esenciale te transferimit.

7.5 Administratori, brenda 10 diteve duke filluar nga dita qe ka marre dijeni per njoftimin per transferimin e planifikuar do te informoje me shkrim Ortaket e tjere.

7.6 Secili prej Ortakeve, brenda 1 (nje) muaji nga data e njoftimit nga Administratori per shitjen apo transferimin e planifikuar, detyrohet te njoftoje me shkrim Administratorin nese ka qellim te ushtroje te drejten e tij te parablerjes.

7.7 Administratori, brenda 10 (dhjete) diteve nga marrja e ketij njoftimi, do te njoftoje me shkrim Ortakun qe deshiron te transferoje kuotat e tij.

7.8 Nese me shume se nje Ortak ushtron te drejtat e parablerjes, ata do te fitojne keto kuota ne perpjestim me pjesemarrjen e tyre ne kohen e transferimit ne kapitalin themeltar.

7.9 Nese nje Ortak ka dhene njoftim per qellimin e tij per te ushtruar te drejten e parablerjes, ky Ortak do te kete te drejte te bleje kuotat objekt transferimi brenda 10 diteve nga data e mbarimit te afatit te percaktuar nga neni 8.6 me siper.

7.10 Vetem ne rast se te gjithe ortaket jane shprehur se nuk kerkojne te ushtrojne te drejten e parablerjes, atehere Ortaku qe ka per qellim te transferoje kuotat e tij do te jete i lire t'i transferoje keto kuota personit/ave te percaktuar ne njoftimin e tij.

7.11 Çdo transferim i kuotave qe nuk kryhet ne perputhje me parashikimet e ketij neni eshte i pavlefshem dhe pa efekte.

## Neni 8 -



## **Regjistri i Ortakeve**

8.1 Pronesia mbi kuotat do te regjistrohet ne registrin e ortakeve qe do te mbahet ne seline e Shoqerise nen perjegjesine e Administratorit ("Regjistri i Ortakeve").

8.2 Regjistri i Ortakeve do te pasqyroje informacionin e meposhtem: (i) identitetin e cdo Ortaku; (ii) numrin dhe vleren e kuotave qe i perkasin çdo Ortaku; (iii) daten e fitimit te pronesise se secilit Ortak mbi kuotat; (iv) adresen apo seline e cdo Ortaku; (v) detaje per cdo peng apo barre te vendosur mbi kuotat.

## **KREU III Organet vendimarrese dhe drejtuese**

### **Neni 9 Organet e Shoqerise**

Organet e shoqerise jane:

- Asambleja e Ortakeve;
- Administratori.

### **Neni 10**

#### **Organi vendimarrues**

10.1 Asambleja e Ortakeve eshte organi i vetem vendimarrues i shoqerise e cila perfaqeson unanimitetin e Ortakeve.

10.2 Asambleja e Pergjithshme eshte organi i vetem vendimarrues i shoqerise qe miraton çdo ndryshim te statutit sipas modaliteteve te percaktuara ne ligj te cilat jane te detyrueshme per te gjithe ortaktet e shoqerise edhe ne rastin se ata mungojne apo nuk shprehin voten e tyre pro apo kundra qe nga dita qe kane marre njoftimin sipas parashikimit ne statut.

10.3 Asambleja e Pergjithshme e ortakeve eshte perjegjese per marrjen e vendimeve per shoqerine, per çeshtjet e meposhtme:

- a) percaktimin e politikave tregtare te shoqerise;
- b) ndryshimin e statutit;
- c) emerimin e shkarkimin e administratoreve;
- ç) emerimin e shkarkimin e likuiduesve dhe eksperteve kontabel te autorizuar;
- d) percaktimin e shperblimeve per personat e permendur ne shkronjat "c" dhe "ç", te kesaj pike;
- dh) mbikqyrjen e zbatimit te politikave tregtare nga administratoret, perfshire perqatjen e pasqyrave financiare vjetore dhe te raporteve te ecurise se veprimtarise;
- e) miratimin e pasqyrave financiare vjetore dhe te raporteve te ecurise se veprimtarise;
- e) zmadhimin dhe zvogelimin e kapitalit;
- f) pjestimin e kuotave dhe anullimin e tyre;
- g) perfaqesimin e shoqerise ne gjykate dhe procedimet e tera ndaj admnistratoreve;
- gj) riorganizimin dhe prishjen e shoqerise;
- h) miratimin e rregullave proceduriale te mbledhjeve te asamblese;

i) çeshtje te tjera te parashikuara nga ligji nr. 9901 date 14.04.2008 "Per tregtaret dhe shoqerite tregtare" i ndryshuar apo statuti;

10.4 Ortaku mund te perfaqeshet ne asamblene e per gjithshme, ne baze te nje autorizimi nga nje ortak tjeter apo nga nje person i trete ne rastet e shoqerise me disa ortake; Autorizimi jepet ne forme shkresore perhere dhe eshte i vlefshem edhe per mbledhje te tjera me po kete rend dite nese nuk mbyllt po ate dite me vendimarrje.

10.5 Administratori i shoqerise nuk mund te veproje si perfaquesues i ortakeve ne asamblene e per gjithshme.

10.6 Autorizimi mund te jepet vetem per nje mbledhje te asamblese se per gjithshme, e cila perfshin edhe mbledhjet vijuese me te njetin rend dite..

#### Neni 11 -

#### Mbledhja e Asamblese se Pergjithshme dhe thirrja e saj

11.1 Asambleja e per gjithshme thirret nepermjet nje njoftimi me shkrese ose me njoftim nepermjet postes elekronike. Njoftimi me shkrese apo nepermjet nje prej formave elektronike duhet te permbaje vendin, daten, oren e mbledhjes dhe rendin e dites e t'u dergohet te gjithe ortakeve, jo me vone se 7 dite perpara dates se parashikuari per mbledhjen e asamblese.

11.2 Kur Asambleja e Pergjithshme nuk eshte thirrur si me siper, ajo mund te marre vendime te vlefshme vetem nese te gjithe ortaket jane dakord, per te marre vendime, pavaresisht parregullsive.

#### Neni 12-

#### Korumi i nevojshem dhe vendim-marrja

12.1 Ne rastin e marrjes se vendimeve, qe kerkojne nje shumice te zakonshme, asambleja e per gjithshme mund te marre vendime te vlefshme vetem nese marrin pjese ortaket me te drejte vote, qe zoterojne me shume se 30 % te kuotave.

12.2 Ne rastin kur asambleja e per gjithshme duhet te vendose per ceshtje, te cilat kerkojne shumice te kualifikuar, ajo mund te marre vendime te vlefshme vetem nese ortaket qe zoterojne me shume se gjysmen e numrit total te votave jane te pranishem personalisht, votojne me shkrese, apo mjete elektronike.

12.3 Nese asambleja e per gjithshme nuk mund te mblidhet per shkak te mungesë se korumit te permendur me siper, asambleja mblidhet perseri jo me vone se 30 dite, me te njejtin rend dite.

Asambleja e per gjithshme vendos me tre te katertat e votave te ortakeve pjesemarres, per ndryshimin e statutit, zmadhimin ose zvogelin e kapitalit te regjistruar, shperndarjen e fitimeve dhe prishjen e shoqerise.

12.4 Per çeshtjet e tjera, asambleja e per gjithshme vendos me shumicen e votave te ortakeve pjesemarres.

12.5 Ortakët, që nuk janë të pranishëm, kane mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi

Mjetet elektronike përfshijnë, por pa u kufizuar në to:

- transmetimin e mbledhjes së asamblesë së përgjithshme në kohë reale;
- komunikimin e ndërsjellë në kohë reale, i cili u mundëson ortakëve të shprehen për mbledhjen e asamblesë së përgjithshme nga një vendndodhje tjeter;
- mekanizma, që mundësojnë procesin e votimit, përparrë apo gjatë mbajtjes së mbledhjes së asamblesë së përgjithshme, pa qenë nevoja të caktohet një përfaqësues i autorizuar, për të marrë pjesë fizikisht në mbledhje.

## Neni 13

### Përjashtimi nga e drejta e votës

13.1 Ortaku nuk mund të ushtroj të drejtën e votës nëse Asambleja e Përgjithshme merr vendimin për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- ç) dhënien ose jo të përfitimeve të reja.

13.2 Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëtin konflikt interes, ashtu si dhe ortaku, të cilin përfaqëson.

## Neni 14

### Procesverbali i mbledhjes se asamblese

14.1 Te gjitha vendimet e Asamblese se Pergjithshme duhet te regjistrohen ne procesverbal.

14.2 Administratori per gjigjet per ruajtjen e kopjeve te procesverbaleve te mbledhjeve te asamblese se pergjithshme.

14.3 Prosesverbali duhet te permbate daten e vendin e mbledhjes, rendin e dites, emrin e mbajtesit te procesverbalist dhe rezultatet e votimit. Prosesverbalist i bashkolidhet edhe lista e pjesemarresve, si, akti i thirrjes se asamblese se pergjithshme dhe njoftimet dhe letermarrjet/konfirmimet e ortakeve.

14.4 Prosesverbali i mbledhjes nenshkruehet nga anetaret pjesemarres dhe nga mbajtesi i procesverbalist.

## Neni 15

### Administrimi

15.1 Asambleja e Pergjithshme emeron administrator te shoqerise Z. Gent Herri, i lindur më 02.02.1969 ,në Tirane , madhor dhe me zotësi të plotë juridike për të vepruar, mbajtës i Leternjoftimit me numer Personal me Nr G90202051F.

15.2 Afati i emerimit eshte 5 vjet, me te drejte riemerimi.

15.3 Ne rast se gjate kesaj periudhe shfaqen probleme paaftesie nga ana e tij, Asambleja e Pergjithshme vendos shkarkimin e administratorit duke treguar me fakte demin qe i eshte shkaktuar shoqerise nga paaftesia e tij pasi eshte dhene mendimi per kete dem edhe nga specialistet perkates.

15.4 Emerimi i administratorit prodhon efekte pas regjistrimit ne Qendren Kombetare te Regjistrimit Administratori është përgjegjës individualisht, ndaj shoqërisë osë ndaj të tretëtve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

15.5 Pasojat e marrëveshjeve të pamiratuara nga Asambleja e Përgjithshme, që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit përkatëse.

## Neni 16

### Kompetencat e administratorit .

16.1 Administratori ka kompetenca te administrimit te shoqerise me kufizimet si me poshte vijon ;

- a) Per cdo trasaksione bankar, derdhje, arketim, kryerje pagesash, terheqie nga llogari , hapje / mbyllje llogarie bankare , veprime per marrje kredie veprime per depozitim dhe terheqie ceku si dhe cdo veprim tjeter bankar prane te gjitha Institucioneve Bankare ne Republiken e Shqiperise ( private / publike , vendase /te huaja )  
Cdo veprim apo transaksion bankar prane te gjitha institucioneve bankare ne Shqiperi , ne emer te shoqerise do te kryhet nga ortaket e shoqerive Salillari shpk dhe Kastrati sha (z. Pellumb SALILLARI dhe z. Shefjet Kastrati) te dy se bashku apo secilit veç e veç ne menyre te pavaruar.
- b) ka kompetenca per drejtimin e zakonshem te shoqerise, ka kompetencat per te vepruar me te tretet ne emer te shoqerise dhe ne interes te saj, ne te gjitha rr Ethanat, me perjashtim te kompetencave qe ligji nr. 9901 date 14.04.2008 "Per tregtaret dhe shoqerite tregtare" i ndryshuar dhe Statuti i shoqerise, si me siper, ua jep shprehimisht ortakeve.
- c) ka te drejte te nenshkrue kontrata te ndryshme sherbimi, porosie, furnizime publike private si dhe cdo kontrate tjeter te nevojshme qe ka per qellim dhe eshte ne funksion te realizimit te objektit te shoqerise duke mare ne cdo rast per cdo kontrate miratimin e asamblese se ortakeve
- d) Administratori eshte i detyruar te mbaje konform ligjit te gjitha regjistrat e domosdoshme per aktivitetin e shoqerise. Administratori i shoqerise eshte i detyruar te mbaje inventare te rregullta. Raporti i administrimit, inventari dhe llogarite vjetore, hartohen nga Administratori.
- e) Administratori, gjate kryerjes se detyrave te tij, per gjigjet ndaj shoqerise per cdo veprim apo mosveprim qe lidhet ne menyre te arsyeshme me qellimet e shoqerise tregtare, me parjashtim te rasteve kur ne baze te hetimit dhe vleresimit te informacioneve perkatese veprimi apo mosveprimi eshte kryer ne mirebesim.
- f) Administratori eshte per gjegjes per administrimin e shoqerise dhe informon periodikisht ortaket per ecurine e veprimtarise tregtare te shoqerise. Gjate veprimtarise se tij ai vepron duke marre parasysh interesat e shoqerise, duke zbatuar parimet e detyrimit te besnikerise.
- g) te tjera te parashikuara me ligjin nr. 9901 date 14.04.2008 "Per tregtaret dhe shoqerite tregtare" i ndryshuar.

Neni 17  
Pergjegjesite e administratorit .

17.1 Administratori eshte per gjegjes individualisht ndaj shoqerise ose ndaj te treteve , per shkelje te ligjeve , per shkelje te statutit apo per faje te kryer gjate administrimit te shoqerise. Pasojat e mareveshjeve te pamiratuara nga asambleja qe I sjellin dem shoqerise I ngarkohen administratorit dhe ortakut qe ka bere mareveshjen per te perballuar ne menyre individuale ose solidarisht sipas rastit pasojat perkatese .

Perveç sa eshtë parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 ligjit per Tregtaret dhe Shoqerite Tregtrare , administrator detyrohet:

a) të kryejnë detyrat e tyre të përcaktuara në ligj ose në statut në mirëbesim e në interesin më të mirë të shoqërisë në tërsi, duke i kushtuar vëmendje të veçantë ndikimit të veprimtarisë së shoqërisë në mjesid;

b) të ushtrojnë kompetencat që u njihen në ligj ose në statut vetëm për arritjen e qëllimeve të përcaktuara në këto dispozita;



c) të vlerësojnë me përgjegjësi çështjet, për të cilat merret vendim; ç) të parandalojnë dhe mënjanojnë rastet e konfliktit, prezent apo të mundshëm, të interesave personalë me ata të shoqërisë; d) të garantojnë miratimin e marrëveshjeve sipas dispozitave të pikës 3 të nenit 13 të ligjit; dh) të ushtrojnë detyrat e tij me profesionalizmin dhe kujdesin e nevojshëm.

17.2. Administratori, gjatë kryerjes së detyrave të tij, përgjigjet ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

17.3. Nëse administratorët veprojnë në kundërshtim me detyrat dhe shkelin standarde profesionale, sipas pikave 1 e 2, janë të detyruar t'i dëmshpërblejnë shoqërisë dëmet, që rrjedhin nga kryerja e shkeljes, si dhe t'i kalojnë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare

17.4. Në mënyrë të veçantë, por pa u kufizuar në to, administratorët janë të detyruar t'i dëmshpërblejnë shoqërisë dëmet e shkaktuara, nëse, në kundërshtim me dispozitat e këtij ligji, kryejnë veprimet e mëposhtme:

- a) u kthejnë ortakëve kontributet;
- b) u paguajnë ortakëve interesa apo dividendë;
- c) u shpérndajnë aktivet shoqërisë;
- ç) lejojnë që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- d) japid kredi.

#### Neni 18 Konfidencialiteti

Veprimtaria e shoqerise dhe marredheniet e punes me punonjesit e saj bazohen ne respektimin e detyrit te ruajtjes se konfidencialitetit.

#### Neni 19 Të drejtat e lidhura me kuotën

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cenimit apo shpérblimin e dëmit të shkaktuar, si pasojë e cenimit të këtyre të drejtave. Kjo e drejtë parashkruhet brenda 3 vjetëve nga çasti i cenimit

#### KREU IV VITI FINANCIAR - EKSPERTËT

**Neni 20**  
**Viti finanziar dhe dividenti**

Viti finanziar i shoqërisë fillon më 1 Janar dhe përfundon më 31 Dhjetor. Përjashtimisht, viti i parë finanziar fillon nga data e regjistrimit të shoqërisë në Qendrën Kombëtare të Regjistrimit dhe mbyllt më 31 Dhjetor.

**Neni 21**  
**Eksperet**

21.1 Kontrolli mbi veprimtarine e Administratorit si dhe mbi gjithe aktivitetin e shoqerise i besohet një eksperi kontabel i cili emerohet nga Asambleja e Pergjithshme. Kohezgjatja e veprimtarise se eksperit dhe shperblimi caktohen me vendim te Asamblese se Pergjithshme.

21.2 Eksperi, ne fund te periudhes se kontrollit, harton reportin me shkrim per nxjerrjen e rezultatit te bilancit finanziar dhe detyrohet t'ua dorezoje te gjithe ortakeve.

**Neni 22**  
**Prishja dhe likuidimi i Shoqerise**

22.1 Shoqeria prishet:

- (i) me vendim te Asamblese se Pergjithshme te Ortakeve; ose
- (ii) ne rast falimentimi; ose
- (iii) kur Shoqeria nuk ka kryer veprimitari per 2 (dy) vjet dhe nuk eshte njoftuar pezullimi i veprimitarise ne QKR; ose
- (iv) me vendim gjykate; ose
- (v) per arsyte tjera te parashikuara ne ligj.

22.2 Prishja e shoqerise regjistrohet ne Regjistrin Tregtar prane Qendres Kombetare te Regjistrimit nga Administratori.

22.3 Prishja e shoqerive tregtare ka si pasoje hapjen e procedurave te likuidimit ne gjendjen e aftesise paguese, me perjashtim te rasteve kur eshte nisur një procedure falimentimi. Likuidimi kryhet nga likuiduesit e emeruar nga asambleja e pergjithshme. Nese asambleja e pergjithshme nuk merr një vendim per emerimin e likuiduesve, brenda 30 diteve pas prishjes, çdo person i interesuar mund t'i drejtohet gjykates, per te caktuar një likuidues.

22.4 Çdo person i interesuar, ka te drejte t'i kerkoje gjykates zevendesimin e likuiduesit, sipas vendimit te ortakeve, nese paraqet arsyte te mjaftueshme per te dyshuar se likuidimi i rregullt i shoqerise mund te cenohet nga likuiduesit e emeruar si me siper. Kerkesa duhet te depozitohet ne gjykate brenda 30 diteve nga data e caktimit te likuiduesit.

22.5 Gjykata emeron likuiduesin, ne rastet kur shoqeria tregtare prishet me vendim gjykate. Likuiduesit shkarkohen dhe zevendesohen me te njejtat kushte, te parashikuara ne dispozitat per emerimin e tyre.

22.6 Administratoret e shoqerise i njoftojne per regjistrim, Qendres Kombetare te Regjistrimit te dhenat e likuiduesve te pare dhe tagrat e tyre, per te perfaqesuar shoqerine, se bashku me dokumentet perkatese. Likuiduesit depozitojnë nenshkrimin e tyre.

22.7 Likuiduesit i njoftojne, gjithashtu, Qendres Kombetare te Regjistrimit per regjistrim gdo ndryshim per identitetin dhe tagrat e tyre te perfaqesimit.

22.8 Likuiduesit duhet te ftojne kreditoret e shoqerise per te depozituar pretendimet e tyre per prishjen e saj. Likuiduesi merr persiper te drejtat dhe detyrimet e administratoreve nga data e emerimit te tij.

#### Neni 23

#### Riorganizimi i shoqërisë, bashkimi, ndarja

Shoqëria mund të ndahet, bashkohet sipas vendimit të Mbledhjes të Asamblesë së Pergjithshme, në përputhje me dispozitat ligjore të parashikuara në pjesën e IX të Ligjit 9901 date 14.04.2012 "Për tregtarët dhe shoqëritë tregtare".

#### Neni 24 Norma referuese

24.1 Persa nuk parashikohet ne kete statut do te behet referimi ne ligjet e miratuara dhe ato ne fuqi ne republiken e Shqiperise ne fushen e shoqerive tregtare.

24.2 Autoritetet Gjyqersore Shqiptare jane ato te cilat kane kompetencen ekskluzive per zgjidhjen e te gjitha mosmarreveshjeve qe mund te lindin midis ortakve apo midis tyre dhe Organeve te shoqerise.

#### Neni 24

#### Dispozita te pergjithshme

Persa eshte shprehur ne kete statut i referohemi Ligjit nr. 9901 dt 14.04.2008 "Per Tregtaret dhe Shoqerite Tregtare" i ndryshuar.

Cdo ndryshim behet ne te njejten menyre sic eshte nxjerre ky Statut dhe nuk prek personalitetin juridik te kesaj shoqerie.

Ky Statut hyn ne fuqi pas miratimit dhe regjistrimit te Shoqerise ne regjistrin tregtar prane Qendres Kombetare te Regjistrimit.

Gjithçka nuk eshte parashikuar shprehimisht ne kete Statut do te rregullohet nga legjislacioni tregtar dhe ligje te tjera te lidhura me te ne fuqi ne Republiken e Shqiperise.

Ky Statut perpilohet ne 4 (kater) kopje ne gjuhen shqip me te njejten vlera, dhe nenshkruehet pa verejte nga ortaket themelues.

#### ORTAKET E SHOQERISE

"Salillari" sh.p.k

Statuti 2019

NIP: J62903155G



"Kastrati" sh.

Page 11

